

Plenchi

Bèl a bati

Bon dia, bon dia. Un felis dia i un siman yen di bendishon pa bo. Bon bini un biaha mas riba nos plenchi di ambiente positivo. Hende positivo den ambiente positivo ta garantia pa un aporte balioso na un futuro briyante pa nos hobennan. Plama positivismo, plama speransa i amor pa bo tambe por zembra loke bo ta planta.

Nos plenchi ta yená ku aktividat ku a tuma luga den nos skolnan, nos ta ansioso pa kompartí nan ku bo tambe.

Nos a lora basta leu den kuaresma aki kaba. No falta masha pa nos kanta aleluya pa resurekshon di nos Kristu Hesus.

Traha riba bo programa di yuna, apstenensia i tur otro limpiesa ku bo kier hasi pa asina bo tambe por resusitá manera Kristu Hesus. Un bida renobá, yená ku amor di Kristu.

RK a tene un kaminada di su skolnan katóliko ku a resultá masha èksitoso. Un ambiente di kita sombré. Hóbennan ku orguyo a karga bandera di nan skol i marcha den kaya. Un siman bendishoná.

Riba roster

"Edukashon di mucha no ta fasil awendia.

Mas i mas esaki ta birando un reto pa mayor.

Pesei skol Broeder Rigobertus huntu ku

Sentro pa guia edukashonal a organisá 6 anochi pa mayor bini huntu i haña mas yudansa den edukashon di e yu.

Durante e anochinan ku tabatin komo tema:" Eduká Konsiente " a trata diferente topiko.

Mayor ku a partisipiá a risibí un sertifikado na final di e temporada.

Mayornan ku a partisipá a keda sumamente kontentu ku e lokual nan por a siña, ku por yuda nan den edukashon di nan yunan.

Asina huntu, skol i mayor ta traha na un mihó komunidad."

"E futuro ta awe"



Mayornan di Br. Rigobertusschool ku nan diploma. Pabien mayornan bon trabou.



Mayornan di Br. Rigobertusschool ta briya durante kurso pa mayor.

Not'è riba bòrchi

St. Paulus College FO a organisá un kaminda di krus na skol pa eduká i informá nan muchanan di skol.



Den agènda

Liber di skol pa pasku grandi

1 aprel te ku 12 aprel 2015

Mi ta konta

Dos kanika

Shon Boeis, un kargadó di di awa tabatin 2 kanika ta karga tur dia. Un riba kada skouder. Di su kas bai kue awa na pos pa bende ku kasnan di famia den pueblo.

Un kanika tabata nobo i tabata karga e awa i entregá esaki komplemento. E otro tabata basta batí kaba i ku diferente sker den dje. Di e pos pa pueblo e tabata yega kasi bashi. Pero tur dia sin eksepsjon shon Boeis tabata karga tur dos kanika bai i bin.

Un dia su yu a puntre pakiko e ta karga un kanika ku ta basha kasi tur awa na kaminda, dunando molester so en bes di ta rendabel.

El a invitá su yu pa kompañé su manisé riba su ruta. Trempan nan a sali kas su manisé ku e 2 kanikanan rumbo pa pos. Na pos nan a yena tur dos kanika ku awa, pa despues shon Boeis pone riba kada skouder unu i tumba pa pueblo.

E yu a reklamá henter kaminda riba e awa ku ta basha abou i duna molèster. E tata a keda ketu i sigui su kaminda. Despues di un bon ratu Boeis a pidi su yu pa kana un tiki mas patras di dje pa e mira mas miho e trabou di e kanikanan.

Ora e yu a tuma distansha for di e kanika ku tabata irité, el a mira algu ku a lagué keda boka habrí.

Na e banda di e kanika kibrá a krese flor i palu di frutanan bunita. Na e otro banda tabata seku i bashi.

E palunan tabata duna sombra i tabatin diferente di e palunan kargá ku kònòpi pa habri den fruta of flor.

Ku riparo pa su aktitut negativo el a pidi su tata masha despensa. Kon e por a duda den su tata? Su tata a demostrá vishon i a logra kosechá fruta dor di su akshon.

Moral:

No husga sin tuma tempu analisá e situashon promé. Ta masha importante tambe tuma distansha pa asina bo tin miho àngulo pa opservá e problema den su perspektiva real.

**Un prenci”
Kaminata di Skolnan katólíko.**







Skolnan Katólíko den nan kaminata siman pasá.

Mucha djispou

E yufrou amabel sintá ta bende karchi na The Movies ta keda strañá di mira ku un kabayero ta bin pa di 3 biaha pa kumpra un karchi serka dje. El a dreña te paden pa despues Sali pa di 2 biaha pa kumpra un otro karchi.

E ta disidí di puntré ta dikon e no ta kumpra tur karchi un kumprá.

E kabayero ta kontestá: “Kada bes ku mi dreña e yufrou na porta ta tuma mi karchi i kita mitar afo. El a hasie pa di 2x kaba, si sigui asina mi ta gasta tur mi sen promé ku mi por dreña wak mi sine. Mi ta spera ku esaki si ta bon ku e no mester sker e atrobe.